



## A GASUA LA MU TE ZIAK IN MINPHAT KICHAN ZIANG KI'N:

Pathian in kumtuang ah i dam chiat uh adawi ah, a malzawl nate tanlo in ahun buntha zing sek ahi. Zia a malzawl na te zâl ah chu nisin kalsuan kitup ah kalsuan zel ah, Malzawltu Ama lopina chawisang tute hiding in ei guat ahi.

Pathian phatzia tak hi zing sek in, la thil bawltheinate gel pha leu hin, Pathian in Ama kha a bitep um ahi dan hezing min ah thil bawlthei ding in A zaw sek in. Zia bitep ziak achun thilhithe nate ei peta, Ama ah minphat la chu thei ngailo ding ahi. Pathian â ding in vâng i um tâk nung ua hin, i pilvân bitep aum pua, zawlo leh bawl uh akûl mama na khat chu A theilo bangma anei pua, I lak thilbawlthei na leh A thuneina, un bawl le abawl sek him ahi. A hât na eimau ah buntha ta Thugentu ah la pan ziak malehle, a lopina hial vang eiuh ah mi 100 val in pianthakna chan ding in ala kawî nai puai. hun nei taleu, zia chu nang in Zia lopina channa ding ni chu la hukdaw ahi pua, Pathian in ei un i hethei nailo uh ahi. a hukdaw ahi ziak in nang in minpha la chû ding ahi puai.

Khenkhatte Sawlchak Chate Exam result ah hiding in, khenkhatte Pas- sângtak ah ahung passed ziak tor hiding, Khenkhatte gam- un Anu leh apa uh, nang leh dang ah Missionary hi ding, nang kiphat ziang ki'n, lunggel khenkhatte ziltitu hi ding in, leh hiattheina lungthim petu khenkhatte Kochuam enkawltu Pathian kiang in kipak thu gen tu hidingin ei la guat ah, ei la in lopina la chansak zaw ding malzawl ahi. Zia ei la guatna te hi Ama'n lopina a dawnthei na ding ah matchâk ding ah ala guat ahi zaw, nang leh kei ah eila piak hilo hial ahi.

Pathian in ahun malzawl phawtlo ahi leh thil bangma bawltheilo la hi lam hedawk

La kochuam leh la insung khanto na te ziak in ki suang ziang ki'n. Nang zâl in bangma a piang dawk puai ti hezing zaw'n. Pathian nang ma ah aginum ziak ah lawting la hiziak in, ahun hepitu la Pathian ah ginum tak in, Lopina te Ama chansak zaw zing tai tiu.

## DAMNA AW PHUNGVUKTU te chung ah KIPAK THU GENNA

Chanchin kipak um takinei uh chu, DAMNA AW phungvuktu ding ah mitawmngai aki pawimaw mama ziang lai ah Pathian malsawmna a dawn teu zal ah, neival leh matval hilo hial, ngaikhawk leh dawisakna liantakmai ziak leh zâl bep ah phungvuktu anuai ah gual ahin I nei belap ua, Amau haw chung ah kipakthu igenlo theilo uh ahi. Kipakthu genna'n amin uh vak taklang hi tiu.

**PATRON MEMBER (₹. 3,000/- ah phungvuk) thak te :**

- (1), Upa Henthianthang, S.Kotlian
- (2), Upa Laltinkhup, HQ Church Tuibuang
- (3), Nu Manliankim, HQ Church Tuibuang
- (4), T/Upa Haulallawm, S.Kotlian

**SUPPORTING MEMBER (₹. 1,000/- ah phungvuk) te**

- (1) Upa Khomlunlal, S.Kotlian, (2) T/Upa Genminthang Hmuia Veng, (Central Church)

**ENCOURAGER (₹. 500/- ah phungvuk) te :**

- (1) Upa K.Thanga Kangvai (2) T/Upa Mangle, Kangvai
- (3) Upa S.Bela Capvung Kangvai (4) T/Upa D.David Tuibuang, (Hq. Church) (5) T/Upa Khupneu Tuibuang (Hq. Church)
- (6) Pa Lamthianlun, Compound Veng (Central Church)

**MEMORIAL Gift : (Rs. 1000/- ah phungvuk te) :**

Nu Melody, Rengkai, (Central Church) in Pathian lemguat ah mual ei la liamsanta a pawsal ngai mama Upa Lamthianlal hiatzing na in ₹. 1,000/- (Sangkhat) pia in Damna Aw ahung phungvuk hi.

Zia achung ah kitaklang Malsawmna na lopitak sem, Amau haw zal ahi ei un Damna Aw hi Copy khat Chengsawm le manzolo ah i la chawk thei uh ahi ziak in i kipaknau asâng mama ah, achung un kipakthu i igenlo theilo uh ahi. Lalpa'n ale tam tak in malsawm to zel tau hen!

Pathian zâl ah Phungvukzo ngei ding ah Ginum thutiam bawlthei nugun pagun tamtak te I la nei nalai ua, amauhaw chu tuchung ahin i lekha pek uh limit ziak in amin uh sulang nailo phawt ihu ah, hunlemchang khat ah sulang gua hitiu. Pathian in amau puihuai in Ginum atepnau ahun cha'h ahun zaw thei ngei na ding un Lalpa'n malzawl chiat u hen!, Tuni chan ah Phungvuktu ah pangtate zosia leh Phungvuktu ah pang ding ah Ginum thutiam bawlthei I nei teu hi Lalpa'n ale tamtak in malzawl uh hen la, zoto zel ngei ding in Pathian in amau pui huai zing ta hen!.

~~~ Editor

## BIBLE ZIK SUAK KIBELAP ZEL

Pathian dawilai khanglai pawlte ki vaipuak na Central Khristian Khanglai Pawl CKKP (KSP)te malak na nuai ah Khanglai tawmngai, Bible khut ngei ah zik suak mi ahung kibelap to zel ah, Ziksuak theina tha leh zung, ngaituana lungthim phatak pia ah sawmdawltu Pathian chu lopina chang taken! Zikzo ah ala pelut masa member pathum te min leh limte **DAMNA AW 'May issue'** ah khan ila sua tau ah, tuchung **'June Issue'** ahinle kipak leh thanawp um tak in a zikzo ah Office ah pelut zota member pali(4)dangte hi vak sulang kit hitiu. A lim uh cover page lam in aum tai.

| S/ No. | Min             | Pa min           | Khua   | Piaklut ni               |
|--------|-----------------|------------------|--------|--------------------------|
| 1      | Nk. Chonglalmoi | Pu Jangkholam    | Leilon | 9 <sup>th</sup> May '18  |
| 2      | Nk. Lhingsamkim | Pu Pauthianthang | Saipum | 9 <sup>th</sup> May '18  |
| 3      | Tv. SiamRobert  | Pu Haolun        | Leilon | 11 <sup>th</sup> May '18 |
| 4      | Nk. Chinneikim  | Pu Thangneilian  | Saipum | 21 <sup>st</sup> May '18 |

### May Issue ah ala kisua tate :

| S/ No. | Min             | Pa min          | Khua     | Piaklut ni |
|--------|-----------------|-----------------|----------|------------|
| 1      | Nk. C. Kimbawi  | Pu Khamlallawm  | Tangmual | 13/4/2018  |
| 2      | Nk. Nemlenkim   | Pu Thangtinlal  | Leilon   | 20/4/2018  |
| 3      | Nk. Kimthianhat | T/Upa T. Gindam | Tangmual | 25/4/2018  |

### MOBILE PHONE MAT DAN THIAMTHEI ANGÂI E :

*Khawvel ah mihing khat ka hi ti zosia'n khawktak ah i ngai uh Mobile Phonete hin Gu lau umtak apaw zing ui ti aching athiamte'n ala gengen sau' ahi. Mit, Bil, Thuak, Lungchang leh Thisan quizam leh adangdangte tunung leh siampnat kit thei taklo hial ding ah ei sukhat piaktu ahiu. Zia sang ah lau um zaw diak chu hiatlo kat ah GAWTMUN ah kiakfut ziang theina mun leh Dinmun phatak ah eila pui kaito tu ah ala pan sek hi ahi. Pifvang tak in Matdan thiam/kisum mai hitiu.*

## Sukdam La Nuam Em?

Rev. S.T.Kaia Vaiphei

**Thumapui:** Tuchung **"Damna Aw"** thusua ding Editor in zik ding ah ei hun gen lai in thupi chuam chuam ka nei sa tamtak um maleh Pathian Thagau in ka lung sung ah a hun gen chu zia thupi **"Sukdam la nuam em?"** (Johan 5:6) ti hi ahi.

**Damna pawimaw dan:** dang dang hospital minthangte Khawvel ah mi zosia'n dam i nuam chiat a, damna hi Pathian thilthawn piak ahi. Mi damthei leh damthei lo kikâl hi a kikhia ma ma a, taksa mi damthei lo, a du du ne thei lo, a du du dawn thei lo, a nawp nawpna' chia thei lo mi chu khawvel ah hinman um lo ahi. Ziakiachun i taksa ah damlona, nawpsaklona neucha le i nei chun kua Daktor a thiam em? Khawitak hospital a pha em ti in i ngaitua a, sum leh pai haksaten le damna ding ahi phawt chun hawl thei dan dan in i hawl a, puk thei na na'n i puk a, kintak in Daktor lam i zuan pai sek ahi. A nei zoten Downtown, Guwahati te, NEIGRIMS, Shillongte, AIIMS, Delhi te, CMC, Vellore te, TATA cancer hospital, Mumbai leh a

i thangai sek a, a nei zoloten le kinei hen la i ngaitak chu zia mun ah te chun ki enkawl leh aw ti i duthusam sek ui. Nang in la damna ding in khawitak hospital zawt la ngaina pen em? **Natna chi chuam chuam:** Mihing natna hi chi chuam chuam tamtak um maleh chi thum in vak khen hi tiu. Ziate chu: (i). Taksa natna, (ii). Lungthim lam natna leh (iii). Thagau lam natna ahi. Ziate lak a hin tuni i gennawp pen uh chu Thagau lam natna hi ahi.

**i) Taksa natna:** Lalpa Jesu'n le khawvel ah a lenlai in damlote chu a ngaikhawk a, mitthumte, zengte, phakte, kengbâite, bengngawngte, pautheilote, thitha matte, khawsikte leh a dang dang te chu a natnau a la suk-

dam piak sek hi. Tulai hin Daktor thiam tamtak, zilna sâng tak tak nei a hung pawt ta, hospital hawi taktak le a hung um ta, maleh natna le chi chuam chuam masang ah i la hiatkhak ngai lo natna thakthak tamtak a hung um daw k a, damdawi phatak tak le a hung pawt a, maleh ziate chun thina a pat in ei hukdawk thei diak puai. Daktorten taksa natna zosia le a sudam thei diak puau a, etsakna ding in cancer hi le a damna ding tak tak a um puai. A leh nang in daktor kua la ngaina, khawitak hospital la ngaina pen em?

### ii) Lungthim lam natna:

Mihingte natna dang khawktak khat chu lungthim natna hi ahi. Zia lungthim natna hi chi ni in a khenthei a, mingawl, pianpi lungthim buai, mi banglo leh mi pângai a thil tuak leh thil chante zia ah lungthim natna ahi. Mithiamte gen dan in taksa natna pangai tamtak hi lungthim lam natna hung kipan hi in a gen ua, i lungthim a dam a, i kipak chun i natnate hi 70% dam zo in a gen ui.

**iii. Thagau lam natna:** Mihing natna a pathum channa chu Thagau lam natna hi ahi. Zia natna hi natna khawk tak, taksa ah thawkla chu hi lo, maleh taksa kung ah kikhesuk ziang, khawvel daktorten a sukdam thei lo chu ahi. Zia hi Eden natna ahia, a damdawi um lo, hospital zawt thei lo, daktor thiam zawt thei lo chu ahi. Zia hi khawvel mihingte natna khawktak lampi chuam chuam ah kipan chu ahi. Mi khenkhatten sum ngainat, hausak ngainat zia in zia natna hi a vei ua, khenkhat in thiamna ngainat zia in a vei a, khenkhat in letna, lalna, lopina ngainat zia in a vei a, khenkhat in nek leh dawn kisum zaw lo zia in a vei a, khenkhat chu khawvel pakzu chawp ah nawpsakna ngainat zia in a vei a, khenkhat chu numei pawsalna hina zia in a vei a, khenkhat kit chu la thagau natna vei ahi lam le kihe lo in pha kisa ma ma in a dam gual tak in a um kit ahi.

**Natna Hiatdaw Pawimaw Dan:** Tulai hin khaw-

Dr. Leonard chu “Rose Day” ti phuak in a lawm ah, a nung in “Flower Day” ti in sân ahung hi tai. Zia nung kit a chun July tha ah Pathian ni niveina hi chate ni ah hiat ahung hi kit hi.

Kum 1950 apat in June 1, hi International Day of Protection of Children ti in khawvel mun chuam chuam in amang a hi. Chun November 20, hi ‘Universal Children Day’ ah mat ahi kit hi. Kum 2007 a pat in Illinois Governor pa chun naupangte ni hi June tha ah Pathian ni niveina mat ding in a puang ah, chun zia ni chu hiatpi ding in US President Barak Obama kiang

inle dawtna a siam hi. Tuhin khawvel pumpi ah kochuam pawl chuam chuam tamtak ten June tha ah Pathian ni niveina hi ‘CHATE NI’ in a mang tau a hi.

India gam in naupang te ni hi 14<sup>th</sup> November in a kimang sek a, zia ni hi kawlpau in ‘Bal Diwas’ ti ahi. Zia ni hi India Independent hi nung ah Prime Minister masapen Pandit Jawaharlal Nehru pian ni a hi. Ama hin naupang te a lungsiat bek zia in a pian ni hi naupangte ni ah kimang a hi.

~Source : Hunbik Sermon panpitu by  
Rev. ST. Kaia Vaiphei

### JUBILEE VENG AH R&D IN HAWNDAW HITA:

R&D Committee malakna nuai ah Jubilee Veng ah In ala kisa chu a chiata nisim 26<sup>th</sup> May 2018 ni khan Moderator Rev. Thanglianmang in hawndaw na ala nei tai. Zia In hi Income Generating Proect khat ah kisa ahi.

Zia chungchuan ah thu kipak um tak chu Latrine (Dailenbuk) ding kisakna ah apawimaw dandan ah ki ningting tak ah matchak ding in Pu Genlal Khaute in tawmngai tak in Chek (Brick) ahun tuak daw k ahi.

I pankhawm na teu zal in Pathian lopina chang hen!

~~ R&D Commtt.

## FATHERS' DAY LEH CHILDREN'S DAY HUNG KIPAT DAN :

**Pate ni :** Pate ni hi kum zabi 20 na bul tîl lam in US ah ahung kipan ta ahi. A masa pen in 19 June 1910 in Spokane, Washington ah YMCA hall ah Sonora Smart Dodd malat na in mat pat ala hi. Ama hin kum 1909 in nute ni kimat chungchang a la he kha, a pastor pau k kiang in Pate ni le mat ding in aphût hi. A kochuam ua hotute chun pate ni matna ding ngaidan anei chu pha a sak piu ah, Spokane ah a pianna khawpi leh a kiang kimvel a chun YMCA leh a kochuam ua hotute tawh kithua in pate ni hi official ah matna ding in nasa tak in campaign a bawl uh ahi. Tichun, pate ni matna masa pen chu a kochuam in June 19<sup>th</sup>, 1910 in a la mang pan tau ahi.

Pate ni hung phudawktu nu Sonora Smart Dodd (18<sup>th</sup> Feb. 1882 - 22<sup>nd</sup> March 1978) hi America Civil War lai ah se-pai minthang William Jackson Smart chanu ahi. Dodd leh a naute paguk chu anu naunei na a thi nung in a pa Jackson Smart chun ama chang ah ahun etkawl piting uh ahi. Jackson Smart ziak ah pate ni hi hung kimang pan pen ahi.

Europe ah Catholic kochuam te chun 19<sup>th</sup> March (St. Joseph's Sunday) chu pate ni in a mang uh ahi. Zia chu Spain leh Portuguese te chun Latin America ah pawlut in tuni tiang in Europe ah gam tamtak in amang nalai ui. Himaleh

America a chun 19<sup>th</sup> June ahiloleh June tha ah Pathianni thumveina chu amang uh ahi.

### Chate ni :

Chate ni / naupangte ni hi khawvel pumpi mun chuamchuam in naupang te zana etsakna in naupangte ni hi ni chuam chuam in mat ahi. Rev. Dr. Charles Leonard, Chelsea ah Universalist Church of Redeemer ah Pastor pa malatna'n kum 1856 in chate ni hi june tha ah pathianni niveina mat ahung hi pan ahi. Zia ni chun Rev. Dr. Leonard chun naupangte chu kikhawpna bîk neipi in naupangte chu Pathian khut in a kawlsak ahi. Zia ni chu

itak Hospital/Daktor hileh le i zawt tak leh i natna matdawna ding in investigation (test) chi chuam chuam a hun bawl ua, i natna chu bang a hem, bang pen in a puakmaw ahi em ti a hun khual sek uh ahi. Mi khenkhat in a natnau a kihiat ua, khenkhat in a natnau a kihiat puau a, a hi-atdaw tak ua leh a vaigei, a kikhel lam a la hi sek tai. Unau, nang in la natna la kihiat em? Bang pen ah na la hi em? Tak-sa natna a hem? Lungthim lam natna? Ahiloleh thagau lam natna a hem? Zia chu "Sukdam la nuam em?"

Changtel Johan 5:6 I changtel ua hin Jesu chu Jerusalem a chun chiakan kut ding in a chia a, maleh kut nunnawpna mun chu a tun masang in belum kawtkhak hawi a tinaw mun a chun Dil (Lake) pakhat a um a, dil min chu Hebrai pau in Bethesda ahiloleh Bethzatha a kitii. A umzia chu "Lungsiatna hung kisunthâkna mun (The place of outpouring mercy) tina ahi. Zia Dil tui chu kumsin leh vansawlchak in khatvei a hung

chawk phuan sek a, zia tak chu leh dil sung ah kichawmlut masa pen pen chu bang gual natna nei hi ziang leh le dam sek ahi. Zia dil chun hulliap panga a nei a, zia chun dam lo tamtak natna chi chuam chuam ah na, mitthumte, kengbaite, zengte, pautheilote, phâkte damna daw ziak in Vansawlchak in tui bangtik leh a hung chaw phuan ding a hem ti le hiat lo chu ngak in a um uh ahi. Zia hulliap panga hi Mosi lekhabu (Danbu) pangate ahi le ti thei ahi. Thuthunglui hunlai in Dan ah thiam chan gua in mitamtak in thagau damna a la chang zo ta lo uh ahi. Tulai kochuam ah hin le kochuam (Dil hulliap) ah hin mitamtak in thagau damna ngak in i um ua, maleh a pum ah Khrista kiang ah kilan ah kichawm lut masa taphawt dam ding ahi.

Zia tak ah zeng kum 38 um ta pa vangphat dan hi Jesu chu dil ah damlote umna chun vachia lo in kutna lam a chun chia theng ta leh kum bangzat ngak leh le dam ding kinep um

lo ahi. A ziak chu a gen gual in ama hi zeng ahi ziak in tui chu kum khat in thumvei, livei hung kichawk phuan sek leh le midang in a makhel tho tho ding tina ahi. A ziak chu ama chun tui ah pailut ding mi a nei pua, suapi chanau nei leh le bangtik leh vansawlchak in tui a hung chawphuan ding hiat lo chu ngakpi zing thei ahi pua, ama ding in dam kinep um lo ahi mai hi.

Ama kiang a chun Jesu a va chia ah “Sukdam la nuam em?” a va tia, Jesu zâl in a dam ta, Haleluiah!! Lalpa lopina chang ta hen! Mi zia chanpi dam lo hung dam ta chu ‘kipak a umna e’ ti sik in Judaten ‘Sabbath ni la puanpha la hun kipuak ah la keng ah la hung ziang hi dan ahi puai’ a la ti piak nalai set ui. Unaute haw, mi’n thilpha chawk daw, lamdaw a nei chun, etsakna’n in thak, gari thak, lawtinna a nei chun kipakpi mai ding ahi. Dem piak ah a nekguk hi’n a, khawi in la puan a ti piak tawh kibang ahi. Chun damlopa chun kuan a sukdam ahi em ti a dawt

lai un a sudamtu a kihiat lo hi thil khawk tak ahi kit hi. Un-aute haw, taksa damna, lungthim natna damna leh thagau lam natna damna i channau hi kua ah kipat ahi em ti i hiat lo ua, malzawlna chi chuam chuam in leh lo, nei leh go, sum leh pai, nek leh chàk, sil leh chen, cha leh nau, damna leh hiselna i chanteu ei petu i hiat lo uh hi malzawltu Pathian lungthim natna ahi.

**Kalvari Hospital:**

Aw le Unau dawitakte haw, taksa, lungthim leh thagau natna chi chuam chuam bukimlona khawvel a hin i nei a, a damna ding mun dang khawi tak in le a um pua, kalvari hospital bep ahi. Zia chun natna sukdam thei lo a um pua, damna kim la chan nawp ahi chun Kalvari hospital zuan in. A ziak chu la lungdawn lungkhamna zosia ama chung ah sep tha’n, ama’n la khankhua ding a gel nai. La puakgik tak nang in la kipuak chu a hun dawn jâng nuam a, ama’n a hun chawlngak sak nuam hi. Jeremia kiang in

chawl khawksa lo ah pan i lak lo uh ahi chun, Kochuam te a basam zo tau ah, zia basapna apat kipanpi tua chiat ding in, mawpuak na i nei uh ahi. Israel te Sin gamthip ah a vak lai un tui umlo na mun a tung tau ah, Mara mun ah tui amu sunsun uh chu a kha ahi nalai ah, himaleh Mosi kiang ah agen uh leh, thing khat a la, a selut leh tui chu ahung thum tai, Halle-luijah!! Lalpa lopina chang ta hen! zia gual ah chun Kochuam

te i vâkvai nau Khawvel ahin thu chuam chuam thu phalo, leh haksatna i mu i dawn teu hi thi theina ngen ahi. Himaleh I Lalpa Jesu Khros thil hitheina i suan chun hing (dam) ding I hui. Tuihing lui chu hung put ding ahi. Zia DAMNA AW mang cha’ thu i gen teu hi simtu zosia â ding ah DAMNA hi ding in Lalpa’n ei malsawm ta hen. Amen!

**MISSIONARIES’ / EVANGELISTS’  
SUMMER GOSPEL TOUR PROGRAMME:**

Pathian Lalgam na isep khawmpi teu lak ah a lilai lûthûk diak i unau (Evangelists/Missionaryte) teu in District Centre te ah anuai ah gual ahin Kikhawpna ei hung neipi ding ahiu ah, District sung ah mite le zia ni te ahin eimau District Centre chiat ah Pathian min chawihawi khawm ding in pauchapna tawh kising sa’i tiu. Lingsiphai Kochuam ah ahileh chu Chawmtu Kochuam ahi nadawl un achawp uh Unaunu Abonmei Wuinilung tawh hun mangkhawm ding ah guatchuam ahiu.

*A Mun leh Ni leh Hun dite:*

|                                         |       |                   |
|-----------------------------------------|-------|-------------------|
| 1. Lingsiphai P.C                       | ----- | 03/06/18 (6:30pm) |
| 2. Tangmual P.C, Tuithanak Dist, Centre |       | 04/06/18 (6:30pm) |
| 3. Nghathal P.C. Town Dist. Centre      |       | 05/06/18 (6:30pm) |
| 4. Kangvai P.C. Khuga Dist. Centre      |       | 06/06/18 (6:30pm) |
| 5. Leilon P.C. Sadar Dist Centre        |       | 07/06/18 (6:30pm) |

## DAMNA AW HIH!

*Upa Ginneithang, Saipum*

Kochuamte haksatna leh buaina kâl ah leng ah um in, Thagau lam ah basam leh hat zolo in mite nungdel in aki um zo ta, khenkhatte basam i hi lam uh le kihelo in, haksatna, buaina, gen-theina te Sialpi guathawk in thuak in, kuama aki panpi theile umlo in, i um zotau ahi, I um nau Kochuam hi, Kochuam dangte tawh te in, Thagau lam ah pan i lak dan teu hi, Thagau lam ah Kochuam te nek kiting ding thu leh la ki ningting tak in um zolo in hun sin thasin in Kochuamte basam in mite nungdel in i um zo ta, Haksatna leh buaina lungkham na i tuak ua leh le kipanpi tua thei umlo in i um zing lai un, K.S.P nu leh paten Session ah thupukna hun siam in, zia chu hun baw zui in 'DAMNA AW' mel mu thei ah i um tak ziak un Pa Pathian chu chawihawina i pe masau' ahi.

Chuleh zia thak hitiu. Editor te leh puitu te mai mawpuakna' pan la tute gim ngansia mai lo in, eimau chiat in leh chawl khawksa lo ah pan a ngansia mai lo in, eimau chiat in hung laknau hi mu in kipak a zia mawpuakna hi i nei chiat ui. um ma ma ziang hi. Kochuam Malzawl na nisin ah i dawn te ei ten zia 'DAMNA AW' mang- mau bep in phat chuampi lo in cha' Thagau lam Ann leh Tui Kochuam kipanpi tua (Kichaw- kipetua leh kichawmtua ding in mtua) na'n mang ding in pan pan lathak hitiu. Rev., Pastorte, la chiat hitiu. Kochuam te ung Upate, Kochuamte Thagau lam leh bai ah um te, ngui leh chau a malsawmna thu i dawn teu ah um te phawnghal na mang mawk umpi mailo ah zia 'DAM- ding in, "DAMNA AW" hi Ko- NA AW' pat hin Kochuamte tha chuam zosia'n a hiat ua, i dam kipe tua ah pan lakna' mang chiat na ding un eimau chiat in ding in i leng ua, Lalpa lam ah mawpuakna i nei uh ahi. maw puakna' ngai in pan la Lalpa a ding ah gim leh

Lalpa'n "Bang a tia ka mite hi thawn ah damna ding um zing kumkhua sukdam thei lo ding ngal ah bang atia ei uh natna hi ah na a hiu em?" Gilead ah dam thei lo a hem? Kalvari hos- thingnai damdawi um lo ahia pital zuan le chin zia chun natna hem? Zia chun sudamtu um lo sukdam thei lo a um pua, dam- a hem tin a gen hi. Unaute haw, na kim mu ding la hi. Simtute Kalvari ah damtheina bukim, a Lalpan malzawl ta hen.

## VAIPHEI HOLY BIBLE MASAPEN LETTU: HOTU SIAKZALAM CHANCHIN TÂNGPI

Hotu Siakzalam hi Saipum khua sât tu, Hausa famta Pu Lungen (Khaute-Thavuk Insungmi) leh Famta Pi Ekkhoniang (Thang-niang-Pamngai chanu) te nupan apat gil ah ga Pathian malsawmna chate lakah a neu pên pawsal changkhat ahi. Ama hi 1906 kum in Chongkhozo-Munpi khua in a piang ah, pianpi suapi numei pathum(3) a nei in, zia te chu - i. Famta Nu Thongzating (Famta Pa Lallian nu) ii. Famta Nu Kholzanem (Famta Pa Haukham nu) leh iii. Famta Nu Siakpha (Nu Lalngainem nu) te sia ahiu. Amin satu a hi leh a pu (Apa-pa) ahi'n, Sumjasiak- Siakzalam ahi.

Hotu Siakzalamte Baptisma a chang ua, zia kipâk- inkuan hi Vaiphei chate lak ah na ziak a chun, a pa, Lungen chanchinpha vâk mu masa, chun, sial khat that in, Pathian Krista gingtu masa Inkuan khat kiang ah kipakthu genna leh ahiu. 1911 kum in Christian ah choihoina a bawl ahi. 1917 kum um in Pu Dingrum khut in a in Siakzalam pa (Lungen) chu min uh a khum ua, 1914 kum in France gâl (Tuitawgal) kuan in a Pu R.Dala khut in a inkuan un chia a, zia kâl a chun, Siakzalam

chu a nu tawh a ute tawh um a hui ah, vangsiat um tak in a nu'n a hun beisan ta, "Ka ute tawh liangvai leh thawmhau tak in, lungleng ma ma pum in ka pa hungna ding lam chu thil in nisin ka en, ka en sek hen, a guk in ka mitthi a pawt a pawt sek ahi" ti in a gen a hi. Vangphat um tak in Pathian panpina zâl in Pu Lungen chu 1918 kum June tha in ahung tung kik ta, zia kum ma chun Chongkhosou-Munpi chun, Natpi hî a leng ah, khawsung mipi te chu lau in a taizâk tau ah, akhen Lobûk ate, gamlak ate, thingnuai ate in a um ua, zia chun Siakzalam te inkuan chu le khawsung nusia in, tu Chongkhozo Khawpi mun hi Hotu Siakzalam pa mudaw'n a gen uh ahi. Tû'n khawpi liantak a chang ta ahi.

Hotu Siakzalam hi a neulai apat ah damthei lo ah, a kawn zing ziak in, "Siakkawi" ti'n le a ko sek uh ahi. Chitna leh thiamna nei a, lekthiam khat a hi ding dawisak nân a pa'n 1920 kum in Tinsuang ah lekha sim ding in a va thak ah.

Zia lai chun ama chu naupang cha ahi nalai ah, lamkâl a chun, apa'n a pua, a puak khawp tak leh a keng in a chia zel sek ah, tichun, Tinsuang a chun, a pa'n imut tui tak in a imut sak a, a imut kâl in a hung nusia ta ahi. Lekha chu hung sim to in, 1924 kum in Khodungsei ah L.P Exam in a va kuan ah, a hung pass ngal hi. Chun, 1924 kum in Lakhipur(Cachar) mun ah M.E zil in a chia kit a, zia mun ah a um sung a chun, Sapgam (London) apat hungpawt Missionary Din-Widdie tawh a kimu' ah, zia pat chun, Din-Widdie nungjui ah pang in Manipur gam, Burma Gam leh Mizoram khua tamtak chuan in, Din-Widdie Champhai khua ah a thini tian-ga buai pi tu leh sawmdawl tu'n a pang ahi. Zia a khualzin nau khua khenkhat te chu, Manipur gam Leisen khua a kipan dawku ua, zia pat chun, Sim gam Tui pi, Pangzang, Chongzang, (zia khua hi Hausa minthang Hatinkhup khua ahi). Teddim khawpi, Khawzim, Zimte, zia pat chun Mizo gam Champhai

nungchang, nutsia leh kikhenpi ding te hedawklo ah kivawp pi zing ila hi kha diam? Lawi (Buffalo) te haw khu bual ah akibual tak ua leh alung uh adam mama sek ah, ahinla ei un vang akiang ziang cha le i va nai nuam sek puau hilo ahem maw?

Kochuam leh khawtang gam ah damlai lamsuk lamto I zawt zel lai ahi n Elijah gual ah lungthim ah sawl ah I um nateu limsak lo ah i kawi mai uh ala um kha hi maithei ahi. Lauthawng lo hial in kipan mai leu hin Lalpa'n a Vansawlchakte lak ah khat ala sawl piak gual ah khan ei uh â ding ah le guatsa khat ala um ngei ding ahi, muangngam hitiu.

Ahinla zia hi i gelphat lo uh hithei pu'a'n ah. Munphi thingbul chu chuti lawm ah beltak ala hi khel lo maithei ding ahi; Tuni hin ei un bang bul leh bang lîm ahem i bel nawp zawk sek uh? Zia mun chu Lalpa'n ei hopi thei na ding mun awng leh mun thaveng leh mun thiangtho ahi sek nam? Zia mun chu mun thiangtho ahi lo tawp in le ei su pawl thei ding thilte um na ahi kha tawl sek em ? Aleh, I pu leh pa teu sang ah thiamzaw leh pilzaw ta ki hi ve'n, tulai ah zia haw gual deulo hile achia ta puai ti ngaitua na puimang ah um mangthai kha ihi tawl tau

em leh?

Ama Elijah chun, "Lalpa se-pai hawnte Pathian â ding in phatchuam kala ngai mama in" ala ti gual ahi kua ahem ei uh lak ah lungthim saik na umlo hial ah zia gual chu ti thei ding um?

Tuni hin I lung uh gel thak hitiu, I pu uh Abraham khan a pu leh pa gam nusia ah gam phazaw zuan ding in, Elijah in a umna kawlhawm apat pawt dawking ah thupiak ala dawng ua, nang leh ken banggual thupiak bawzui ding dawn inei em? Aleh zia chule hephalo khatto ihiu em leh? Ahiloleh he mama ah mitmu ah a kilawm thei di pen ah bawl sek ah, tunung thagau khankhua ding gel pha lo hial ila hikha tawl uh em leh?

Suangmantam kawtkhak ah lut ding ah hukdaw ah um hita, zia nung ah chu le maban chia zawm zel dan ding lampi dik kawkmun ngen ah i umlai ua hi limsak lo ah I um muan den khâk ding uh thil lau um mama ahi.

I hung kipatnau gam Khawvel thimlam ma ah kile kit in, Salvaktu hi na nalopi tak sem ding in Lalpa'n ei ko zing ahi. Lalpa'n ei kona leh sawlna te bawzui ding in, i lalnau leh i muannau kawlhawm chiat apat in pawt dawking in Lalpa tawh kimu ding in dakdawking hitiu aw.

## “LA UMNA KAWLHAWM APAT CHUN HUNG PAWT

**DAWK TA’N”** (ILalte 19)

~ Upa P. Boijoy Vaiphei

Elijah in Jezebel apat thupiak khau tak amu phat ah khan a ki hinsua thei na ding in a hiatkhaklo gam ah a umna mun chawn ding in asuakpa tawh akipan dawk tau ah, achia zing lai un a nungzui zing asuak pa chu Judai gam ah Beer-sheba lam in a nusia malam ah. Zia nung ah chun le gamthip lam zuan in nikhat angawn in a chia kit ah, munphi thingbul bêl in beidawng tak in aki chu den tai.

Zia tak ah chun *‘Ahun tawk tai, Aw Lalpa, ka hinna hi la mang ziang ta’n, kapu leh pa te sang in le ka pha zaw diak paw ngal in’* ti’n a thina ding dawn in a pauchap ta, Lalpa’n a beidawn mai ding chu phallo hi’n ah, a Vansawlchak te lak ah khat a sawl piak a, anek leh dawn ding ava piak sak hi.

Khatvei mai in ahun sakpua, *‘tho in la nek be in, la zinna ding gam hi tung zo lo ding la hi’* ti in suang âm ah kikang Vaithum leh Tuithawl chu a pekit tai. Pathian thilguan sek hi alamdang sek ngei e maw, a kiang ah zia lam ah chun chia in tia a sawlna a kimu khel pua, ahinla, lungthim sunglam ah sawl ah ala um ahi dan Vansawlchak kampau apat in I mu thei ua, zia chu Pathian thilguan dan ala hi sek ahi.

Chutichun, Pathian piak Vaithum leh Sathau a nek zâl ah chun ni sawmli leh zan sawmli hial an leh tui kiti mawngmawng nelo dawnlo in achia zo pek ah, Pathian

tâng Horeb mun chu atung ta, zia’ chun kawlhawm khat sung in alut ah a giak tai. Lunggil ah phûtna Pathian apat ah ala um pawmdan leh bawzui dan thiam tak ah kawlhawm sung ah a kichawldam lai ah chun, *“Elija! zia tak ahi bang bawl la hem? Pawtdawk inla, tâng chung ah sawn Lalpa âng ah va ding in, Lalpa’n hun hawtheng ding ahi”* ti in Pathian in a kihopi ta mai ahi.

Unau, zia gual sawmdawl-na leh sawlna chu ei uh le chang ta ah sân dan thiam zolo ah, Pathian in ei guat piakte ahidigual tak ah dawng zolo ihi khasek diam uh maw? Ihi khak tâk ua lehle zia gual chu chan thak thei na ding ah nang leh ken bang I bawl thak angai em ti iki ngaitua thak uh a ngâi ahi. I nungzui zing, I kitawn-pi zing, mutheilo ah ei la su mel-sia tu, Kochuam gam ah lunggil tak ah kibual ah I ki ngai zing lai ah, Pathian, Kochuam neitupa thu leh dawguallo lam ah ki suang tak ah gamtat ngamna

khua a tung ua, Zia mun a chun, Din-Widdie chu a leisiat khu-alzinna chu a beita ahi. Zia ni chu 27<sup>th</sup> December 1925 ahi.

Tichun, Houtu Siakzalam chun, M.E. chu a hun zo ta, 1929 kum in Imphal khawpi in a um a, Churachand High School in lekha a sim ahi. 1932 kum in Saipum khua a sât ua, 1934 kum pawl sawm a sim kum tak in a pa’n a hun thi san ta, Khawsung etkawlina chu a liangko ah ngak ah a hung um tâk ziak in lekha le doigual tak in a sim zawm thei talo ahi. Hotu Siakzalam chun, a khua leh tui te chung in pha tak in Vaihawm in a um ah, thu leh la a hiat te chu a khawte kiang in a gen sek a, Imphal lam apat in Chanchinbu tamtak a hung paw khawm sek a, zia thu te chu a ma’n sim in a khua Upa te kiang a chun a gen sek a, a ngai nuam sek ua, a kipak ma ma sek uh ahi. Zia lo a chun, Petromax-(Khawnvakpi) a hung pawdawk a zia chu Biak-Inn a kikhop na’n a vak sek ua, Kochuam te chu a kipak mamau a, Saipum koch-

uamte chu Tuithaphai Area Biak-inn ah Khawnvalpi vak ma-sapen ahiu.

Chun, Imphal khawpi apat a hung pawtdaw in Cycle khat a hung paw dawk a, Hotu Siakzalam chu Tuithaphai Area ah Cycle nei masa ahia, a chuang masa pen le ahi. Chongk-hozo khua’ a umlai ua chun Football khat, “Madras ah ka order ahi” atia a hung paw dawk a, zia chu Chongkhozoo Nungak leh Tangval te kipek sek in a ki-helpi sek ah, Ngngak-Tangval te chu a kipak un, a lim ma ma sek uh ahi. Kai-lam chung Area Football tak pek masa pen chu Houtu Siakzalam jal a Chongk-hozo te hiding in ginchak a um ahi. Hotu Siakzalam hin Silchar gam apat in thei khat a hung paw dawk a, zia thei chu i vak nek a hi leh a thuk taw bang, akha taw bang a hi ziak in “Theikha” ahi ti’n, tu’n i gam a hin tamtak a um ta ahi. Zia thei hi “Siakzalam thei” tia ko lawi le a um uh ahi.

Chun Gramophone khat a hung paw dawk a, zia chu khaw

mipi te chun, a ngai nuam ua, a limpi ma ma ua, “Thingkuang pau thei/Thingkuang Lasa” ahi a tiu ah mak a sa ma ma ziang ui.

Chuleh, 1939 Kum in M.E. School, Independent Church, Rengkai kua in Headmaster in a pang a, Kum tamtak zia chun a sem ahi. Zia lo a chun Churachandpur High School phû daw na ding ahin le ama hi member poimaw ma ma khat ahi.

Vaiphei mipite hin, ei ma nu pau (mother tongue) ngei ah Pathian thuing Baibul Thiangtho I simthei ding uh a la lainat ma ma na zia in, Hotu Siakzalam chun, 1930 vel apat in, Baibul lê a pan ta ahi. 1946 kum in Christian te La thiangtho Bu a supan a, 1950 kum in zia chu sukzaw in a hung um ta. Zia a labu bawl chu Kochuam mipite’n sak nuam a sau in, a ngaina diak uh ahi. Vangphat um tak in, 1953 kum in British Foreign Bible Society, Calcutta Auxiliary Secretary Pu A. Featherstone chu Churachand-Mission

Compound in a hung a, zia chun lemchang tak in Thuthung thak manuscript chu a pelut a, zia chu 1957 kum in sukdaw in a hung um ta, Vaiphei mipi ten eima nu pau (mother tongue) ngei in Thuthung Thak Baibul I nei tau ahi.

Hotu Siakzalam hi pau leh hâm a thiam ah, gên leh sak leh vaihawm a thiamziak in poimawna tamtak a nei ahi. 1944 kum a Japan gal (WW-II) hung umlai in, ama le Chongkhozozô tâng ah gâlzâm in a chia ah, zia na chun, Japan sepaite leh khawsung Hausa Vaihawmte kâl in Pau let tu in a pang sek a, Biak inn lam ah Nungak-Tangvalte Lapawl zil pi in, Pathianni Sunday School Houtu’n a pang sek ahi. Ama hi taksa khawtang ki kaihuaina leh sakhua biakna lam a puitu ahi gel gel ahi. Vaiphei simpat bu kha le ama bawl sa ahi. 1961 kum in Manipur Hausa palai in Delhi mun ah sawl in a um a, zia Delhi mun ah chun Jawaharlal Nehru tawh kimu in Manipur Hausa te din mun a va gen ahi.

Gingtu ka hi ti te’n le khawvel thilte thasuak diaklo in, Khrista tu zing kawm in khawvel lopina te hawl a tam khawp mai hi.

Suapite ngaitua thak tiam hitiu, mi pakhat in hotu pani na semkhawm gaw ta leh, a pani’n a hât ding gual in hat thei lo ding a hi, zia gual ma chun khat zawk zawk chu ahat thei diak na dinggin khat a thasuak ngai a hi.

Khrista vâng ah hukdam changzo ta I hi tai. Hukdam chang ta ngal ah Khrista ah man piak na châng henailo I hi chun bang ahem Pathian ah I law châk ding. Bible in ala gen “*Kuale Lo kaina lângkawn tu tangal ah, nunglam en kit chu Pathian gam mi hitâklo a hi*” ati. Zia gual ma

chun mipil te’n ala gen sek gual ngei un “Khawvel thangai mite chun Pathian hepina a neilo uh a hi”. Kuale Khrista hepina a nei phat leh ama thi ding khawksalo in a hepita a ding in na asepiak nuam sek a hi. Ki itchalo khawp hial in a hepita a dingin anei-ago, a hinnate a pe ngam sek a hi.

Kuale Khrista nungzui ka hi ti ngal a, a nisin hinkhua mat leh tawidan kisâng danglam theilo chu Jakob lekha zik ah I mu gual un, “*Ginna chu nasep panglo in a thisa a hi*” ati. Eimau le Khrista nei ta ngal ah genthei haksatnate pal ngam lo chu Khrista mi hi tâk ahi puai.

*English thumal 26 te kigual suk dan hi vak ensuk hitiu aw, ABC bailam tak ah he zosia’n zia anuai ah a umzia te hi Hinkhua in bailam tak in zui thei chiat leu hin chu ;*

- |                      |                     |                                |
|----------------------|---------------------|--------------------------------|
| <i>A</i> = Always    | <i>B</i> = be       | <i>C</i> = Cool                |
| <i>D</i> =Don’t have | <i>E</i> =Ego with  | <i>F</i> = Friends and Family. |
| <i>G</i> =Give up    | <i>H</i> =Hurting   | <i>I</i> =Individuals.         |
| <i>J</i> =Just       | <i>K</i> =Keep      | <i>L</i> =Loving               |
| <i>M</i> =Mankind.   | <i>N</i> =Never     | <i>O</i> =Omit                 |
| <i>P</i> =Prayers.   | <i>Q</i> =Quietly   | <i>R</i> =Remember God,        |
| <i>S</i> =Speak      | <i>T</i> =Truth,    | <i>U</i> =Use                  |
| <i>V</i> =Valid      | <i>W</i> =Words and | <i>X</i> =Xpress               |
|                      |                     | <i>Y</i> =Your                 |
|                      |                     | <i>Z</i> =Zeal.                |

## ‘Taksa Thu ah hawl lo in, Thagau thu in hawl hi tiu’

*Pro Pastor Seilunlal*

Khawvel ahung changkang tawh kitawn in, mihing ngaitu-ana le ahung danglam ta. Mi masa te'n Khrista chanchinpha ahi-at lim lai un, Insung genthei na, haksatna te tawh hung khawsa khawm un, sil leh chên, nêk ding nei lo kawm in a ngaitak uh azi achateu nusian, Hukdamtu Khrista chanchinpha ki tângko p'ın mun haksatna ah te'n kal ala suan sek ui. Zia hun lai ah chun mi gual in thiamna sâng leh pilna sâng le neilo ala hui. Himaleh bangkim hithei Pathian hâtnate suangin ala vaikuan dawk sek uh ahi.

Mun dang ah Chanchinpha ava gen zing lai un, a zichateu neksik ding kipuak in, kenglampi in avan teu tawh nikhat-nini lam ala zawt sek ui. Gilkial leh dangchak thuak pumin kawlsuang kawhawm ahem thingbul nuai ah te'n ahem pansa'n, ala khawsa sek uh ahi. Khuasung alut natiang un giakna leh nek ding lemchâng lo kawmkawm in mite musit leh pampai in hinkhua mangin mite kiang achun Khrista Chanchinpha ala tângkopi sek ui.

Zia gual ah, mi masa te'n pan ala lak na zal un, tuhin muntin leh gamtin ah setan apat sal ala tâng, khawvel sual

thim nuai ah umte kiang achun Khrista Chanchinpha chu salvak tu'n a hung pang thei ta ahi.

Ahin, tu'n Khawvel a Khrista chanchinpha hiatute leh ala dawng ta ten, pawimaw a sak pen khat uchu Khrista Chanchinpha hita lo in, nei leh go, hausakna leh zalenna te hi ala hisek zaw tai. Chuleh Khrista nungzui leh gingtu diktak ka hi ti ngal, khawvel thil ah nei leh go chên ngamlo leh thudik ah ding ngamlo ah um kawm in Khrista zuite diktak ka hi ti a tam tai. Tulai gingtu atam zaw hi I et ahi chun, Khawvel thilte thasuak diaklo ah Khrista nungzui ka hi ti I tam nalai ui.

Ahin, Thuthunglui Baibul le a let zawmjel a, 1962 May tarik 5 nitak lam in Baibul pum-pi chu a let zou ta ahi. Zia chu sukdaw ding in Hotu Siakzalam chun London ah a thawt ah, himaleh Bible Society of India têsuk ding in Bangalore ah a hung le thawt kit tau ah, kum 10 val ving veng a kivei nung in suktheilo ding ti in a hung le thawt kit tau a, zia Pathian Baibul thi-angtho ala lê daw sa chu khutling kiu keu in a zût ah, “Zia hi ka chapa gual a kanei ahi” ti'n mitthi tamtak luang zut zut kawm in a gen ahi. Ahin, Lalpa'n a mite taksapna leh a mithi-angthote mittui chu he hingei in ah, Houtu Siakzalam vâk daw zo talo a zalkhun a lum zing chu Evangelical Bible Society of India te Correspondent Prof. D.S Spurgeon in a hung ve ah, zia hun a chun, Hotu Siakzalam chun Spurgeon kiang a chun biang vuai dil dela mitthi luang zut zut pum in, “*Ka hat tawp ma ngei in, Kamipi te'n a khut ua Baibul Thiangtho a chawi uh mu malam ka nuam na lawm*

*lawm e*” ti'n a gen ahi. Zia ni hi 27th September 1977 ahi. Zia thu chu Spurgeon chun, inlam a tun kit phat in a Pa E.B.S.I President Rev. D.S.Devadason kiang in a genpi ah, zia chun apa'n le ngaikhawk in 30th August 1981 ma'n sukdaw in a um thei ta, 30th August 1981 ni'n Saipum Presbyterian Church in latna Rev. D.S Devadason in a nei hi. Zia Baibul Thiangtho chu Hotu Siakzalam chun a mu man ta pua, Pathian in a sepga a thi nung a amite'n a luak ua, a taksannâ leh ginna nasep in a kiang ua thu a gen zing chu pha a sazaw hi ngei in ah.

Hotu Siakzalam hi a neu apat mi lungleng thei ahi. Lasak thiam leh Solfa thiam le ahi. A neulai apat lunglen na'n a tuam zing ziak in “*Vaiphei Lungleng/ Lengtawng*” ka hi ti'n a kigen sek ahi. Hotu Siakzalam hi tak-sa khawtang kikaihuaina leh Sakhua Biakna lam ah maw puakna tam tak nei ahi ziak in Khutnung-kengnung tamtak...

...Aban thakit leh Sutzawp di

## 'LALPA LOPINA CHU SUKLAT IN HUNG UM NGEI IN AH'

*Pro.Pastor D. Robert Thanga*

Tulai ka lungthim ngai tua na lua len pen khat chu, Khristian / Gingu te hinkhua ah thil tung zing sek, kipakna lam thil leh dana lam thil te'n ei lam tua zing lai ahin. Bang ti'n lunggel le'n a pha dia aw ti'n ngai tua na ei piai. Chanchinpha Matthai zik bung 8: 23-27 na chun, Jesu Khrista tawh a nungzuite kuang ah

Tichun ginchak guallo tak mai in thigawpi nasa tak in a hung han leh tui kinawk leh tuifawn te'n kuang chu ahun chup/khu vang vang ta zia phat achun, a masang ua chu thina lo ngal, bang ma dang in a lungthim uh lua din ka gincha puai. Lungkham tawp khawk a zia din mun ah aum lai ua khan, a Hotupau' chu kuang sung a ipmu in aum ah, zia hun lai tak a chun mihiam lunggel na mai in "I Hotupau' chu nawp tak cha'n aki ipmut ah, I lungkham beidawng lai un le, ei hepaha puai ti ut na lungthim nei ding un ging chak aum hi".

Ahinla zia lungkham na leh lau na guam ah aum lai u chun Jesu Khrista thil hitheina leh a lopi na amu khawlaw tau ahi. Zia hun a chun, thigawpi le tuifawnte chung in thu a pia ti chun ahung thip vengveng mai

tau hi. Zia thigawpi leh tuifawn te zia akhan Jesu Khrista thil hitheina lopi tak in aki hiatbe a, zialo achun thilhing zosia chung bâk ah, a hing lo leh a hathei lo (inanimate object) te chung ah le thu a nei dan aki hiat khaw law thei hi.

Gingu hinkhua hile zia gual tho chu ahi. Lei leh van ah Lalpen nungzui te ihi nau ahin, haksat na te i chung un a tung thei zing a achang leh pumpelh thei lo di khawp hial in akilang sek hi. Ahinla zia te haw zia tak achun, Lalpa lopi na I chung un ahung lang zaw sek ahi. Ziakiak a chun, Lalpa a ding ah bang gual haksatna, lungkhamna te leh thina ten ei tuam zing ma leh a tawp a chun Lalpa thil hi thei na leh a lopi na hung ki lang ding in beiseina nei chiat ding in iki til thak thak u ahi.

## Vaigei nailo maleh Kikhêl thei ahi;

- ✿. **K**hristian sungkuan siamtup nailo lahi chun, siamtup na ding hun avaipei nai puai, ahinla muang châng ziang ki'n kikhêl thei ahi.
- ✿. **M**i dangte chung ah hikhial nei lahi chun, ngaidam dawt na ding hun a vaigei nai puai, ahinla muang châng ziang ki'n kikhêl thei ahi.
- ✿. **P**a ki ngawlsak la hi khak chun, zi leh chate âng ah Pa ting leh za um hi kit na ding ah ki siam thak na ding hun a vaigei nai puai, ahinla muangchâng ziang ki'n kikhêl thei ahi.
- ✿. **M**u leh Pa su lungngaitu Cha la hi zing chun, ngaidam dawt na ding hun a vaigei nai puai, ahinla muang châng ziang ki'n kikhêl thei ahi.
- ✿. **M**i dangte tawh la kâl fello umzing ahi chun, kicham kit na ding hun a vaigei nai puai, ahinla muangchâng ziang ki'n kikhêl thei ahi.
- ✿. **K**hamthei chuamchuam thâng ah awk ah, pawt dawk nailo himalechun a vaigei nai puai, ahinla muang châng ziang ki'n kikhêl thei ahi.
- ✿. **L**a sep la bawl na te ah lawsap sek zia ah lungkia ah um mai la hi khak chun, lawtinna lampi ngaitua na ding hun a vaigei nai puai, ahinla muang châng ziang ki'n kikhêl thei ahi.
- ✿. **P**iangthak ta ah kigel ah, mite taksapnate awimaw na ding bep mu zing nalai la hi chun, ataihat talua ah taikhial lam ala hi zaw ta di la hi, Lunggel na hun mang ding ah chawldam phawt in , a vaigei naipuai.
- ✿. **DAMNA AW** hi awl leh phungvuk n'angka ti ah lungmuang nalai lahi chun la kisak zaw kâl in pang manlo kha'nla, Chichuam deu ah kikhêl thei ahi.